



UNIVERSITETI I PRISHTINËS "HASAN PRISHTINA"
Fakulteti i Ndërtimtarisë, Prishtinë

PLANI STRATEGJIK 2021-2023



Korrik, 2021

Përmbajtja

Plani Strategjik i FN-së	3
Misioni dhe Vizioni	4
Objektivat Strategjike	5
Hyrje	6
Skema e programeve të studimeve	7
Vlerat e FN-së	9
Inciativat Strategjike	10
Përmbledhje ekzekutive	12



Plani Strategjik i FN-së

PLANI STRATEGJIK ka për qëllim që t'u ofrojë misionin, vizionin, vlerat dhe iniciativat strategjike për të arritur objektivat në fazat e ardhshme të zhvillimit të Fakultetit të Ndërtimtarisë në periudhën **2021-2023**.

Rrjedhimisht, ky **PLAN STRATEGJIK** është produkt i punës dhe diskutimeve me stafin akademik, administratën, studentët duke përfshirë këtu edhe Alumnin (të diplomuarit) e FN-së, mbështetësit dhe bashkëpunëtorët tanë.

PLANI STRATEGJIK mbështetet në **PLANIN STRATEGJIK** të Universitetit të Prishtinës "Hasan Prishtina", Statutin e UP-së, aktet tjera normative e ligjore në fuqi, si dhe në rregulloret e brendshme.



Misioni

FN-ja e ka definuar misionin në:

- ✓ Arsimimin, përvetësimin e njohurive, aftësive, vlerave, përgatitjen shkencore dhe profesionale të kuadrit në fushat e inxhinierisë së ndërtimit për avancim të mëtutjeshëm hulumtues dhe shkencor për tregun e punës, si vendor ashtu edhe atë jashtë vendi, ndërkombëtar.

Vizioni

FN-ja e ka definuar vizionin në:

- ✓ Përsosjen e aktiviteteve në mësimdhënie dhe mësimnxënie duke siguruar ngritjen e kapaciteteve të kuadrit, i cili do të jetë i përgatitur t'i përgjigjet më së miri kërkesave dhe trendeve të zhvillimeve shkencore dhe inxhinierike.
- ✓ Hulumtimet shkencore të rritjes së kapaciteteve akademike dhe institucionale.
- ✓ Përcjelljen e arritjeve shkencore, zhvillimit të fushave të inxhinierisë së ndërtimit në shkallë ndërkombëtare do të jenë detyra parësore për stafin akademik, studentët dhe institucionin.

FN-ja në funksion të arritjes së vizionit dhe përmbushjes së misionit të vet, do të angazhojë: menaxhmentin, personelin akademik, administratën dhe studentët tanë duke i çuar përpara qëllimet kryesore në, sigurimin e ambienteve dhe kushteve për studentët që të arrijnë aftësi sipas programeve të studimeve duke respektuar rregullat dhe parimet e hapësirës Evropiane të të Arsimit të Lartë.



Objektivat strategjike

Në përputhje me misionin dhe vizionin e vet, FN-ja ka identifikuar një numër të objektivave strategjike, si:

- ✓ Rritjen e vazhdueshme të cilësisë së mësimdhënies dhe mësimnxënies.
- ✓ Përmirësimin dhe shtimin e rritjes së kapaciteteve të stafit akademik dhe ambienteve të mësimin.
- ✓ Rritjen e cilësisë për shërbimet e studentëve.
- ✓ Promovimin dhe rritjen e standardeve të cilësisë për programet e studimeve.
- ✓ Ngritjen e kapaciteteve të Laboratorëve për fushat profesionale shkencore.
- ✓ Avancimin e kërkimeve dhe hulumtimeve shkencore në nivele ndërkombëtare.

Suksesi lidhet me qartësimin e vetës sonë në lidhje me çfarë duam të arrijmë, duke përcaktuar objektivat. Për të arritur objektivat duhet të jemi ambicioz dhe strategjik në zhvillimin e brezave të ri të vendit tonë duke menaxhuar burimet tona në mënyrë efikase si dhe duke bashkëpunuar për realizimin e ideve për avancimin dhe përsosjen e aktiviteteve tona institucionale.



Hyrje

Fakulteti i Ndërtimtarisë është njësi Akadematike e Universitetit të Prishtinës, e cila trashëgon një histori të saj të numëruar në dekadën e shtatë dhe njihet si institucioni fillestar i shkencave teknike në vendin tonë.

Themelet e studimeve nga fusha e shkencave teknike, përkatësisht Ndërtimtarisë, u vunë me hapjen e Shkollës së Lartë Teknike të Prishtinës, më 20 tetor 1961 me mësim në tre drejtime teknike të Ndërtimtarisë, Elektroteknikës dhe Makinerisë.

Data 9 nëntor 1965 numërohet si ditë e hapjes së Fakulteti Teknik, me departamentin e Ndërtimtarisë, derisa mësimi filloi më 10 dhjetor 1965 me gjithsej 138 studentë, me staf akademik me pesë ligjërues dhe pesë asistentë dhe zhvillohej në dy salla mësimi, me nga 40 ulëse dhe një amfiteatër me 202 ulëse.

Në vitin 1979, Fakulteti Teknik përbëhej nga Fakulteti i Ndërtimtarisë dhe Arkitekturës, Fakulteti Makinerisë dhe Fakulteti i Elektroteknikës.

Në vitin akademik, 2019-2020 Fakulteti i Ndërtimtarisë dhe Fakulteti i Arkitekturës në nivel të njësive akademike fillojnë të veprojnë si institucione të pavarura të arsimit të lartë.



Skema e programeve të studimeve

Fakulteti i Ndërtimtarisë organizon dhe zhvillon programet e studimeve të ciklit të studimeve themelore Bachelor dhe Master sipas deklaratës së Bolonjës nga viti 2002.

Sot, Fakulteti i Ndërtimtarisë organizon dhe zhvillon programe të studimeve në këto Departamente:

- a. Konstruksione,
- b. Hidroteknikë,
- c. Gjeodezi dhe
- d. Inxhinieri e Ambientit.

Fakulteti i Ndërtimtarisë i ka të akredituara 4 programe të studimeve Bachelor dhe 3 programe të studimeve Master.

3 Vite/ 6 Semestra/ 180 ECTS		2 Vite/ 4 Semestra/ 120 ECTS	
Konstruktiv	BSc	Konstruktiv	MSc
Hidroteknikë	BSc	Hidroteknikë	MSc
Gjeodezi	BSc	Gjeodezi	MSc
Inxhinieri e Ambientit	BSc		



Funksionimi i departamenteve, nënkupton përfshirjen e gjerë në pjesëmarrje të stafit akademik në kontributet akademike, mësimdhënie, mësimnxënie, proceset e vlerësimeve të projekt-propozimeve dhe punimeve të diplomave deri te propozimet për Këshillin e Fakultetit përkatësisht, Dekanit.

Në funksion të procesit mësimor dhe kërkimor shkencor në Fakultetin e Ndërtimtarisë janë dhe laboratorët, si:

- a. Laboratori i Materialeve Ndërtimore,
- b. Laboratori i Asfaltit,
- c. Laboratori i Gjeomekanikës,
- d. Laboratori i Gjeodezisë,
- e. Laboratori i Hidroteknikës,
- f. Laboratori i Ambientit dhe
- g. Laboratori i Strukturave (nën krijim e sipër).



Vlerat e FN-së

Fakulteti i Ndërtimtarisë si institucion publik autonom i arsimit të lartë zhvillon arsimin akademik, hulumtime shkencore, këshillime profesionale dhe akademike. Duke respektuar ligjet aktuale të Kosovës, Statutin e Universitetit, Fakulteti ka për qëllim:

- ✓ Të veprojë si institucion autonom lidhur me udhëheqjen dhe avancimin e dijes.
- ✓ Krijimin dhe avancimin e ideve të reja kreative me bazë shkencore dhe praktike për nevojat e tregut të punës.
- ✓ Angazhim aktiv i studentëve si në aspektin individual ashtu edhe kolektiv në jetën e aktiviteteve të Fakultetit, përkatësisht zhvillimit të programeve të studimeve dhe në mësimnxënien e tyre.
- ✓ Krijimi i kushteve dhe mundësive të pa penguara për zhvillimin dhe avancimin e aktiviteteve akademike për mësimdhënie të avancuar dhe hulumtime shkencore të stafit akademik.

- ✓ Zhvillimi dhe avancimi i programeve të studimeve të fushave të Ndërtimtarisë, përkatësisht të strukturave – Ndërtimit, Gjeodezisë, Hidroteknikës dhe Inxhinierisë së Ambientit dhe Infrastrukturës duke u mbështetur në arritjet shkencore dhe arsimore në Evropë dhe botë.
- ✓ Përkushtim në punë kërkimore dhe akademike të stafit akademik dhe studentëve për të mbështetur mësimdhënien dhe mësimnxënien, si proces i vazhdueshëm institucional.

- ✓ Fokusimi evropian dhe ndërkombëtar në fushat e Inxhinierisë së ndërtimit, përkatësisht strukturave, Hidroteknikës, Gjeodezisë, Inxhinierisë së Ambientit dhe infrastrukturës, që t'i sigurojmë studentit dhe stafit akademik lëvizshmëri dhe krahasueshmëri të standardeve në kualifikimet dhe diplomat e arritura.
- ✓ Përmes bashkëpunimit ndërkombëtar të integrohemi plotësisht në zonën evropiane të arsimit të lartë,

Iniciativat Strategjike

Në vijim, në formë të përmbledhur, janë paraqitur iniciativat e veçanta të parapara për implementim të cilat FN-ja duhet të përqendrohet t'i implementojë gjatë periudhës kohore 2021 – 2023.

Risite në edukim të cilat do të avancojnë të diplomuarit e rinj të cilët mund të përparojnë shpejt në avancimet dinamike të botës:

- ✓ Rritja e praktikës së studenteve.
- ✓ Organizimi i punëtorive me studentët dhe stafin akademik të Fakultetit për zhvillimin e temave/problematikave të ndryshme akademike, shkencore, si dhe funksionale të njësisë sonë.
- ✓ Pjesëmarrja e studentëve në projekte të përbashkëta me stafin akademik do të jetë në fokus për rritjen e cilësisë së studimeve.
- ✓ Organizimi periodik i vizitave studimore me studentët brenda dhe jashtë vendit me qëllim të zhvillimit akademik, kulturor dhe institucional.

Zhvillimi i strukturave, përmbajtjes dhe modelit të portofolit tonë për programet studimore të ofruara për studentët rinj dhe studentët e studimeve master, si dhe kërkesat ardhshme të tregut të punës:

- ✓ Prezantimi i Fakultetit në institucione të vendit dhe jashtë vendit përmes bashkëpunimeve të ndërsjellta.

Angazhimi jonë për rritjen e diversitetit të programeve studimore (shkencore ose/dhe profesionale) të fushave të ndërtimit përmes iniciativave të departamenteve:

- ✓ Trupa këshillëdhënëse dhe Alumni do të jenë motivuese për kërkesat e programeve të ndryshme studimore nga tregu i punës.
- ✓ Rritja e kapaciteteve për kërkimet shkencore përmes bashkëpunimeve institucionale ndërkombëtare, rritja e numrit të stafit akademik me tituj doktor shkencash.
- ✓ Organizimi i Simpoziumeve shkencore, punëtori për problematikat shkencore pjesëmarrja në projekte të përbashkëta me institucionet vendore dhe ndërkombëtare.
- ✓ Trajnimi i stafit akademik përmes programeve Erasmus +, Jane Mone si dhe trajnime interne (të brendshme).

Zhvillimi i qëndrueshëm i performancave të programeve të studimeve duke rritur numrin e studentëve në fakultetin tonë:

- ✓ Organizimi i fushatave për sensibilizimin e studentëve të ardhshëm.
- ✓ Publikimi i broshurave njoftuese.
- ✓ Njoftimi në kohë për përmbajtjen e programeve të studimeve – në faqen elektronike të Fakultetit.
- ✓ Informatat dhe kërkesat në kohë reale nga tregu i punës për performancën e programit të studimit.

Pozicionimi i institucionit tonë si lider i zhvillimit të fushave teknike të ndërtimit për vendin tonë:

- ✓ Mbështetja institucioneve vendore përmes konsultave profesionale.
- ✓ Ndihma shkencore në zgjedhjen e problemeve inxhinierike të subjekteve nga tregu i punës.
- ✓ Organizimi i punëtorive për çështje të interesave të përgjithshme të vendit.

Rritja e kapaciteteve dhe përmirësimi i infrastrukturës:

- ✓ Rritja e numrit të ulëseve në bibliotekën e fakultetit, laboratorët, hapësirat e përbashkëta dhe sallat e mësimi.

Të rrisim përpjekjet për ndërkombëtarizimin tonë:

- ✓ Pjesëmarrja në projekte ndërkombëtare, bashkëpunimi i ndërsjellë me institucionet relevante në projektet hulumtuese, publikimet shkencore në revista kredibile, kongrese dhe konferenca ndërkombëtare.
- ✓ Anëtarësimi i Fakultetit në FIB, RILEM, ACI.

Përmbledhje ekzekutive

Duke u mbështetur në kapacitetet ekzistuese të burimeve njerëzore, janë përcaktuar prioritetet sikur në vijim:

Rritja e cilësisë në arsim dhe kërkime shkencore

- ✓ Ndërtimi i mekanizmave të nevojshme brenda Institucionit për mundësitë e zhvillimit dhe arritjeve të standardeve ndërkombëtare.
- ✓ Brenda organeve kolegiale të Fakultetit, personelit akademik, administratës do të promovohet filozofia e vlerësimeve, vetëvlerësimeve dhe llogaridhënia për aktivitetet e çdo të punësuarit pa asnjë dallim.
- ✓ Vlerësimet e studentëve, vlerësimet nga studentët, vetëvlerësimi i stafit akademik dhe administrativ do të jetësohen dhe do të bëhen publike në rrugët zyrtare të Fakultetit.
- ✓ Stafi akademik i Fakultetit do të mbështetet për kërkimet shkencore. Brenda Fakultetit do të ndërtohet trupa këshilluese, e cila do të kontribuojë në inkurajimin, informimin dhe këshillimin për realizimin e hulumtimeve shkencore të stafit.
- ✓ Përmes bashkëpunimeve me institucionet arsimore ndërkombëtare do të ofrojmë mundësi për kërkime të avancuara.
- ✓ Trajnimi i stafit në mësimdhënie të avancuar do të jetë proces i vazhdueshëm i Universitetit, njësisë akademike për avancimin në mësimdhënie.
- ✓ Zhvillimi i programeve të studimeve duke u bazuar në kërkesat e tregut të punës, konkurrencës globale do të zhvillohet përmes krijimit të bordit industrial si dhe Alumni-t të FN-së.
- ✓ Informatat kthyesë nga banka e shënimeve nga tregu i punës do të shërbejnë, si bazë për zhvillimin e qëndrueshëm të programeve të studimeve.

Globalizimi dhe ndërkombëtarizimi

- ✓ Ndërkombëtarizimi i Fakultetit përmes pjesëmarrjes në projekte ndërkombëtare, bashkëpunimi i ndërsjellë me institucionet relevante në projektet hulumtuese, publikimet shkencore në revista kredibile, kongrese dhe konferenca ndërkombëtare.

Kontakti

Adresa:

Rr. "Agim Ramadani", Ndërtesa e
Fakulteteve Teknike, p.n. 10 000
Prishtinë, Republika e Kosovës

Telefoni:

+383(0)38 554 899 ext.103

Email:

fn@uni-pr.edu



UNIVERSITETI I PRISHTINËS
"HASAN PRISHTINA"



#BëhuUP